

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Privremena komisija za izbor i imenovanja
Broj: 02/6-02-287/19
Sarajevo, 20.02.2019. godine**

**DOMU NARODA
PARLAMENTA FEDERACIJE
BOSNE I HERCEGOVINE**

Privremena komisija za izbor i imenovanja Doma naroda Parlamenta Federacije Bosne i Hercegovine, formirana na Konstituirajućoj sjednici dana 20. februara 2019. godine, održala je sjednicu i tom prilikom razmatrala:

- **Prijedloge za izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine**

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Privremena komisija za izbor i imenovanja podnosi Domu naroda sljedeći

IZVJEŠTAJ

Dom naroda Parlamenta Federacije Bosne i Hercegovine, u skladu sa Amandmanom XXXVI na Ustav Federacije Bosne i Hercegovine ("Službene novine Federacije BiH", broj 16/02), među svojim članovima bira predsjedavajućeg i dva potpredsjedavajuća koji ne mogu biti iz istog konstitutivnog naroda ili iz reda ostalih.

Predsjedavajućeg i potpredsjedavajuće Doma naroda bira Dom naroda većinom glasova iz reda delegata na sjednici Doma naroda poslije izvršene verifikacije mandata delegata u Domu naroda.

Prijedlog za izbor predsjedavajućeg i dva potpredsjedavajuća Doma naroda, u skladu sa članom 35. Poslovnika o radu Doma naroda, podnosi svaki klub naroda. Svaki delegat ima pravo predlagati kandidata za ove dužnosti. Ako za jedno mjesto ima više kandidata prvo se glasa za kandidata kojeg je predložio klub naroda.

Privremenoj komisiji za izbor i imenovanja dostavljeni su prijedlozi za izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine, i to:

Klub delegata hrvatskog naroda, za predsjedavajućeg Doma naroda Parlamenta Federacije Bosne i Hercegovine predložio je

TOMISLAVA MARTINOVIĆA, iz reda hrvatskog naroda.

Klub delegata bošnjačkog naroda, za potpredsjedavajućeg Doma naroda Parlamenta Federacije Bosne i Hercegovine predložio je

ALJOŠU ČAMPARU, iz reda bošnjačkog naroda.

Šest delegata Doma naroda Parlamenta Federacije BiH, i to: Vesna Saradžić, Slađan Ilić, Igor Stojanović, Mladen Simić, Ljubinka Atanasijević i Žarko Vujović, za

potpredsjedavajućeg Doma naroda Parlamenta Federacije Bosne i Hercegovine predložili su

ŽARKA VUJOVIĆA, iz reda srpskog naroda.

Nakon obavljene rasprave, Komisija je konstatirala da su prijedloge za izbor predsjedavajućeg i potpredsjedavajućih Doma naroda Parlamenta Federacije BiH uputili ovlašteni predlagači.

O navedim prijedlozima se u skladu sa Poslovníkom o radu Doma naroda Parlamenta Federacije BiH, a nakon što iste razmotri Komisija za izbor i imenovanja, izjašnjava Dom naroda.

U skladu sa naprijed navedenim, Komisija predlaže Domu naroda da usvoji ove prijedloge i donese Odluku o izboru predsjedavajućeg i potpredsjedavajućih Doma naroda Parlamenta Federacije Bosne i Hercegovine.

**IZVJESTILAC PRIVREMENE
KOMISIJE ZA IZBOR I IMENOVANJA**

Ivo Tadić